

SENOTLOLO SA MONYAKO

 Ke monyetla ho ba tabernakeleng! Ke ne ke batla ke sa lebella, le 'na. 'Na, ke tsebile hore bositung bona ke bosiu ba selallo, kamehla kea rata, haeba ke le hohle, ho tla selallong. Hobane ke... Ke hopola Bakreste bohle ba tlameha ho shebella ho ja selallo, hobane Jesu o itse, "Ekare ha u sa se je, ha u na kabelo ho 'Na." Ka baka leo, ke e...kamehla ke monyetla o moholo ho—ho tla tabernakeleng. Ebile, bositung bona, Moena Neville o itlalehile a batla a chele lentsoe, 'me—'me o ratile ha nka buisana le phutheho ea rōna. Ka re nka thabela ho etsa joalo. Hape ke rata ho tsebisa hore haeba...

² Hosane ke kopano ea banna, literaseti, hosane bosiu, le borakhoebo ba kereke mona, ka tloaelo ke kopano ea bona ea Mantaha bosiu le ntho ea bona...qeto e tlameha ho etsoa le rakonteraka. Ke kholoa le utloisia hore lipampiri tsa rōna—rōna—rōna li fetile, 'me re tla khona ho haha kereke. 'Me e tla feta, 'me mohlomong ho ka qaloa vekeng ena. Kereke e qala vekeng ena, kamoo ke tsebang. 'Me mona Jeffersonville, ba re hanetse ka eona. Empa ra ea Indianapolis, lebatoa leo, eaba ba re lumella, ka baka leo re tla e haha. E ka qala, mohlomong, vekeng ena. Ho tla tsejua ka morao ho kopano ea hosane bosiu. Ka mora kopano ea hosane bosiu, ha ba sa qale vekeng ena, ha ntho e ka etsahala, rakontraka a sa qale vekeng ena, o tla qala veke e tlang.

³ Mafēlo a veke ena e tlang, Moqebelo bosiu, Sontaha hoseng le Sontaha bosiu, veke e tlang, Moqebelo le Sontaha sena se tlang, ha Morena a ratile, ke batla ho tšoara e—e—e kopano ea ba borarō, hape, joalokaha re entse liveke tse 'maloa tse fetileng. 'Me ka morao re... Mono e tla ba Moqebelo bosiu, le Sontaha hoseng, le Sontaha bosiu. Khetlo le latelang lena, e tla be e le ka la leshome le metso e merarō le la leshome le metso e mene la khoeli ena.

⁴ 'Me 'na le baena ba 'maloa re tla tsamaea ka morao ho nako eo, ho ea koana Colorado, leetong la ho tsoma, re ntano khutla. Haeba tabernakele, mohla e felileng, haeba e le thato ea Morena, ke batla ho nka, mohlomong, veke e tletseng pele ke tloha ho kenela likopano tse ling, ebe ke tšoarana le *Litiiso Tse Supileng* tsa Tšenolo. Pejana feela... Joalokaha re kile ra tšoarana le *Mengoaha E Supileng Ea Kereke*, joale Hoo ho tla lateloa ke *Litiiso Tse Supileng*.

⁵ 'Me livekeng tse latelang tse peli kapa tse tharō, ekare ke ba utloile joalo, monna ea tla sebetsana le eona, ba ka khona, re ka haha tabernakele 'me re ka e fumana matsatsing a ka bang leshome, kapa a leshome le metso e mehlano, ntho e kang

eo. Re tla fumana bolulo ba batho ba rōna ba menahaneng habeli, kapa hararō, mohlomong batho ba bangata. 'Me esale ke emela nako eo.

⁶ Hobane, Moqebelo o fetileng le Sontaha, keha ho tšabeha, lea tseba. Batho keha ba eme kantle mona ka hora ea bobeli thapama, ho tlatsa tabernakele, le pele kereke e buloa. Hoseng ho hlahlamang, ka hora ea bohlano, mooki ea ahisaneng le 'na, o ne a tsoa mono, a re, "Batho ba hatellane tabernakeleng ka hora ea bohlano hoseng." Ka hona, 'me hape batho, ha ba kena, ha ho sebaka, 'me ba nyahama ba ntano tsamaea. Le—le bao ba emeng, ba hatellane ba pitlahane lipakeng tsa litulo, ba ikutloa ba qhobellane, ka hohle. 'Me mono ke bona basali ba emeng, ba fufuleloang, lea tseba, ka mokhoa oo, 'me ba thunya mofufutso. Ebe monna e mong o tela setulo sa hae, a suthele mosali; a ntano ema hofihlela meomo ea hae e opa, ebe motho e mong o mo suthela sa hae. Lea tseba, ka mokhoa oo, 'me ho a haula, bommè ba nang le bana ba kulang le ba joalo, ho hobe.

⁷ Ka hona, joale re leka ho e rarölla ka ho haha tabernakele e kholoanyane. 'Me re tla fumanela bana sebaka, ka nako e 'ngoe... ho khaotsa, bana ba llang; be, re tla ba hahela phaposi, bommè ba tla kena teng, ba ntse ba shebile tšebeletso, e tla hasoa hantle kahara phaposi. Re fumane le liphaposi tsa sekolo sa Sontaha le ntho ka 'ngoe 'me e laoloe ka tšoanelo ea eona. 'Me hoo, ha Morena a ratile, se etsahala, veke e tlang ena.

⁸ Bohle le e voutetse ka lipheresente tse lekholo, re tiiselitse ho eona, lea bona. Kereke e ikemetse. Seo kereke e se buang, ke phetho. Literaseti kapa motho ofe osele... Literaseti li mpa feela, e mong le e mong, voutu ea hae e 'ngoe feela. Voutu ea molisa e 'ngoe feela. Ke kereke, ke—ke 'muso oa kereke ka bongata, boikemelo ba kereke. Ke puo, ea kereke, kaofela. Ke phetho. 'Me re rata taba eo, hobane ha re na libishopo kapa bolaoli kapa baokameli le ba joalo ba re joetsang *sena, sane*, kapa se *seng*. Moea o Halalelang kahara kereke, ke oona o buang. Ke rata molao oo, 'me o motle haholo.

⁹ 'Me ke botsitse, "Na bohole le batla ho ema hofihlela re fumane letho le lekaneng ho tlosa tabernakele le ho haha kereke e kholoanyane?" E hlahisitsoe lekhotleng la literaseti, empa ha e a qetoa ke literaseti. Eaba ba nkopa, kaha ke le mookameli ea akaretsang, ho tla tla botsa kereke. Eaba ke re, "Joale re tšoere chelete e lekaneng ho atolosa kereke le ho e lokisa e fapane, le ntho eohle, ho feta ea pele." Ka re, "Joale re ka khona ho qala hang, kapa re ka boloka chelete hofihlela re fumane e lekanang ho haha kereke kaofela, e ncha, nqa e itseng."

¹⁰ 'Me eaba re vouta kahara kereke, 'me bongata ba voutela ho "haha kereke hona joale, le hahe kereke e kholoanyane hona joale." Eaba re tsitlallela hoo.

¹¹ 'Me lekhotla la mona Jeffersonville le re hanetse, ba itse re ke ke ra khona. Eaba re fetela koana, ra ea Indianapolis ra ipiletsa ho Lebatooa. Ba ntoo khutla ka polelo, ha thoe, "le ka tsoelapele," 'me re fumane tokelo ea ho e haha. Joale haesale taba ea motse, ke taba ea Lebotooa. Re fumane tumello, 'me hona joale rakonteraka o tšoere e—e tumello letsohong la hae, 'me kea kholoa ba itokisitse ho qala nako efe le efe.

¹² Hosane bosiu, haeba e—haeba rakonteraka a batla ho qala veke e tlang, ke tla hlakola likopano tsa...hofihlela re kena ho *Litiiso Tse Supileng*. 'Me rakonteraka ha a sa khone ho qala veke e tlang, Sontaha se tlang, Moqebelo le Sontaha, ke tla tšoara tšebeletso pele ke tsamaea.

¹³ Ke ne ke ikemiselitse ho e tšoara Sontaha sena, ka ntano fumana bosiu bona e le bosiu ba selallo, eaba ke e hlakola Sontaha sena. Hobane, hara letšoelle le joalo, ha u khone ho ja selallo u photholohile, joale re fumane kerek e kholoanyane.

¹⁴ Joale, re na le Mopresidente oa hosasa. Eona...oh, le tseba seo ke se bolelang, o sa tsoa hlahisetsoa lelapa la Hickerson nakoana e fetileng. 'Me khaitseli ea rōna e letsang piano, haeba a ka tla 'me a re fa lehlaso ka piano, la "Ba Tliseng," ka kopo, kapa sefela se kang seo. Thaka le letle lena la lelapa la Hickerson, esale a lebeletsoe nako e telele, joale o fihlile. Ke mothaka ea imametseng, 'me ehlide ke lehakoe ho ba Hickerson. 'Me bohole ke mahakoe ho rōna, rea ba rata 'me ho rōna ke moena le khaitseli. Re thabetse ho hlaha ha mothoana enoa lelapeng la bona, ehlide o hlanamisitse lelapa. 'Me haeba, ntate le 'mè ba ka tlisa mothoana enoa joale ho hloholofatsoa. Joale, Lengolo le re, "Eaba ba tlisa ho Èèna bana, masea, hore A tle a ba behe matsoho a Hae a ba hloholofatse."

¹⁵ Joale, batho ba teng lefatšeng ba lumelang seo ba se bitsang "kolobetso ea masea." 'Me, ke ho re, ba nka bathoana bana 'me ehlide ha ba ba kolobetse ho hang, hobane, ba mpa ba bafafatsa ka metsi feela. Joale, ha re fumane sebaka kahara Bibele, moo ba kileng bafafatsa motho, batho ba holileng, ha ke sa bua le ka bana.

¹⁶ 'Me kolobetso ke maipolelo a supang hobane mosebetsi oa mohau o entsoe kahare. 'Me lesea le le nyenyane ha le na tsebo ea sebe. Ka baka leo, mohla Jesu a ne a shoa sefapanong, O shoetse ho tlosa sebe sa lefatše. 'Me ha lesea le fetoha motho, le tsoalhoa lefatšeng lena, ha le na sebe sa lona, ka baka leo ha lea tlameha ho baka. Empa, ha ntho eo, Mali a Jesu Kreste a tlosa sebe. Hoba, lesea le tsoaletsoe sebeng, le bopetsoe bokhopong, le tfile lefatšeng le bua leshano, 'me ke baetsalibe ka tlhaho, empa Mali a Jesu Kreste a phekola hoo. Empa lesea ha le fihla lilemong tsa boikarabelo, le tseba ho lokileng le ho sa lokang, ebe moo le tlamehang ho bakela seo le se entseng. Sebe sa lona joale ke sebe se kang sebe sa ho tsoalhoa sebeng, ke sebe sa motho, sebe

sa joale ke sebe seo Adama le Eva ba se entseng; 'me Molimo o se tlolisitse mahlo holimo, ka Mali a Jesu Kreste. Joale lesea ha le na libe tseo le ka li bakelang hofihlela le etsa libe, ebe moo le tlamehang ho baka. Lea bona? 'Me ha le baka, ke mohla le tlamehang ho kolobetsoa, 'me le kolobetsoa ka ho qoelisoa.

¹⁷ Hofihlela mohlang oo, re latela litaelo tsa Bibebe, etsoe, "Ba ile ba tlisa bana ho Jesu, hore A tle a ba behe matsoho a Hae holimo ho ba hlohonolofatsa." Motsoali ea khabane enoa bosiung bona o tlisa lesea lena ho 'na le molisa, hore ba khetheloe. 'Me ba utloa hore ha ba le beha matsohong a lenqosa la Kreste, ba le beha matsohong a Kreste. Hape, ka tumelo, re isa lesea lena ho Molimo, ho leboha ho tlisoa ha lona mona, le ho kopa Molimo ho le hlohonolofatsa, etsoe hoo re ho bitsa "khethelo ea lesea."

¹⁸ Joale, le tseba maikutlo a ka ka bana ba ka. Ke na le ngoanana e monyenyane koana Khanyeng bosiung bona, 'me o ne a khetheloe Morena, mona aletareng. Ke na le moshanyana le ngoanana e monyenyane ea lutseng morao mane, bosiung bona, ha eso kolobetso le joale. E mong, o leshome le motso o mong, ke qoqile le eèna mabapi le eona kajeno, Sarah, ka kolobetso. 'Me tsa Joseph li supile feela, o sa le monyenyane bakeng sa eona, hofihlela... Haeba a e batla, a re Molimo o e behile pelöng ea hae, ke tla e etsa. Empa, joaloka masea, ke mpa ke ba khethela Morena, kaha e le thuto ea Mangolo.

¹⁹ Moena Neville, ha u ka tsoa le 'na joale ho atamela moshanyana ea khabane enoa. [Moena Branham o atamela Moena le Khaitseli Hickerson—Mong.] Ke ne ke tshohile... Na ke eèna Hollin? Hollin? Yaa, Hollin, Junior. Stephen Hollin. Be, ke botle. Oh, ke itse o robetse. Ke lona lefutso la ba Hickerson leo, ntho efe feela e etsahalang. Ke mo bone tsatsi le leng, ka re "Mopresidente," le joalo. 'Me, ehlile, keha a sa le monyenyane haholo, lea bona, ho bitsoa "Presidente." U phela joang? Be, kea tseba hore e tlamehile e be e le letlotlo ho 'mè ofe oa morapeli. Ha le nahane joalo? O mosa haholo. 'Me joale, Moena Hickerson le Khaitseli Hickerson, joaloka mohlanka oa Kreste, joaloka molisa oa lôna, ke tsoara lesea lena, ka tumelo, ke le beha matsohong a Jesu Kreste, eèna Eo le batlang ho le beha liatleng tsa Hae.

²⁰ Ha re inamiseng lihlooho tsa rôna 'na le molisa re sa eme mona re behile matsoho a rôna holima lesea.

²¹ Ntata rôna oa Leholumô, kahara Bibebe ba U tliselitse bana ba banyenyane, hore U ba behe matsoho a Hao ho ba hlohonolofatsa. 'Me ehlile, Morena, ba ile ba hlohonolofatsoa. 'Me joale ho sala mohlala oa Hao morao, lintho tseo U li entseng, re lekile ka matla, Morena, ho bala Bibebe le ho sala mohlala oa Hao morao ka tsoanelo. 'Me ntate enosa le 'mè, Moena le Khaitseli Hickerson, barutua ba rôna ba ratehang

mona Tabernakeleng, ba tlisa ho rōna thabonyana ena eo u e behileng kalosong ea bona. E tsoa ho Uena, Morena. U ba file ngoana enoa. 'Me joale ba lakatsa ho U nea bophelonyana ba lona, ho fetoha tšebeletso ea Hao. Ke U rapela ho hlohonolofatsa ngoana enoa, U tle u le nee bophelo bo bolelele. A ke a phele, ha e le ntho e ka etsoang, ho bona ho Khutla ha Morena. Ke U rapela ho le hlohonolofatsa moo le leng teng. Le holisetsoe lelapeng la Bokreste, joalokaha le tsoaletsoe ho lona. Le lumelle ho tsoelapele lelapeng lena. Ntate le 'mè ba phelele ho bona lesea sefaleng, haeba e le ntho e ka etsahalang, le bolela Evangel. Ba ka mpa ba le bona joalo, Ntate, sebakeng sa—sa terone ea Ntlu e Tšoeu, kapa nqa efe, hobane ke basebeletsi ba Hao, 'me ba lakaletsa bophelo ba ngoana ho khetheloa le ho tšitso mosebetsing oa Molimo.

²² Joale kea rapela, Ntate, hore U hlohonolofatse ngoana. 'Me mohau oa Molimo o be le eëna, a phele a koenne a thabile bophelo ba hae bohle. 'Me ntate le 'mè ba le bone le holile, re boela re kopa. Le hlohonolofatse ka Lebitso la Hao.

²³ 'Me joale, Stephen Hollin Hickerson e monyenyane, ke u nehela Jesu Kreste, hore mahlohonolo ao re a kopileng a be le uena. U koene u be matla, moenanyana oa ka, 'me u phelele ho tlotsa Molimo. Ka Lebitso la Jesu Kreste rea e kopa. Amen.

Molimo a le hlohonolofatse. Molimo a le hlohonolofatse bohle. Ke lesea le mosa haholo.

Teng ha re hole, teng ha re hole,
Fatšeng leo re sa holeng teng;
Teng ha re hole, teng ha re hole,
Fatšeng leo re sa holeng teng.

²⁴ Ho ke ke ha babatseha na? Bacha e tla ba baholo, le metsofe e be bacha. Joale, na ha e babatsehe? 'Me ha re sa tla kula, kapa ra hlomoha, kapa ho shoa le ka mohla.

²⁵ Joale, litšebeletso, Moena Neville o li tsebisitse. Ke batla ho tsebisa joale, hape, hore kopano eo, le se ke la e lebala, le likopano tseo a buileng ka tsona. Hape, Mof. Ford ea kileng a tsamaea kereke lilemo tse fetileng, ke sa tsoa mo isa ho morali oa hae, matsatsing a 'maloa a fetileng, 'me lilemo tsa hae li mashome a robeli, 'me o tsamaile ho kopana le Morena maobane bosiu ka hora ea borobeli, kea kholoa. 'Me litšebeletso tsa hae, 'na le molisa re tla li tsoarela chapeleng mane Coots, Laborarō, ka mashome a mararō ka morao ho leshome—leshome, Laborarō lena le tlang. Mof. Ford, Mof.... Kea kholoa ke lebala la hae... Levi, Mof. Levi Ford. Ntho ea rōna... Ke—ke 'mè oa Lloyds Ford eo le 'monang bukeng ea ka, a tla mpolokela sutu ea Boy Scout, eaba ke fumana kamase e le 'ngoe. Joale, eo—eo ke 'mè oa moshanyana eo. Ka baka leo eaba ke nyoloha le eëna letsatsi le leng 'me ka rapela le eëna, mothoana oa batho. 'Me o tlohile ho ea kopana le Morena Jesu.

²⁶ Joale, ha Morena a ratile, ke batlile ho tsebisa nthoana ka litšebeletso mona, haeba li ka tšoaroa veke e tlang ena, haeba ke e kentse ka mona, kapa ke ne ke hopotse joalo, mabapi le seo ke tlang ho bua ka sona e—e—e mono, tšebeletsong e tla latela ena ea veke e tlang. Ha nka—nka hopola... ke itse ke e ngotse bukeng ena, ha ke tsebe kapa che. E, ke ena. Ha Morena a ratile, bosiu ba Moqebelo ke batla ho rera ka sehlooho sa “Hobaneng motho e mong a tšoaetsa bophelo ba e mong.” ’Me Sontaha hoseng ke batla ho rera ka “Marulelo a piramide.” Athe Sontaha bosiu ke batla ho rera ka *Mosupatsela Oa Ka*, ka temana, *Mosupatsela Oa Ka*, bosiu ba Sontaha se tlang sena. Joale Morena a hlohonolofatse lintho tseo ’me a nthuse, kaha ke ne ke tsoile, ’me ke therō tseo ke batlang ho li qotsa.

²⁷ Joale bosiung bona, re batla ho potlaka re phethise lintho tse ’maloa. Ebile, ke tšoere lengolo mona le—le sa tsoa fihla ka poso, Billy o le thonakile nakoana e fetileng, ho thoe baena ba itseng Michigan, ’me lona le tsoa selekaneng sa bareri se nang le lintho tse ngata. Ke eona ntho e lobokanyang lintho, lea bona. Ntho eo, ho thoe baena ba buile koo ho thoe ke ba rometse koo, ebile ba rera ba re banna ba tlohele balekane ba bona ba tsome molekane oa bona oa moea, ’me ho thoe ke hlile ha—ha ke tlaile ’me ke phethahetse. Hore ha ho letho... Le, oh, tse ling tsa lintho tse nyarosang tseo u kileng ua li utloa. ’Me selekane sa bareri se e tšoere, ’me ba ’ngolla lengolo mabapi le eona, ’me ho thoe ke ba rometse holimo koo ’me e hlahisa pherekano e ngata. ’Me ba bang ba porofeta ’me ba re monna o tlameha ho tlohela mosali *enoa* ’me a nyale *eane*. Joale, kereke ena e tseba re sa lumelle matlakala a kang ao.

²⁸ Rōna re lumela Bibebe. Re lumela hore ha monna a nka mosali, ke mohatsa’e, ’me ba ka arohanngoa ke lefu feela. Ke eona feela. Ha re lumele nyee e kang eo. Ha re lumele lerato le lokolohileng, hape. Ha re lumele nyee e kang eo. Re hlile re lumela Bibebe, ’me Eona feela. Ke tla le fotosetata, kopi ea lengolo lena, ke le arabele ke le hatise limakasining, ’me le tla—le tla e hlokomela. Kea kholoa hore le tla khona, ebile, ho ba arabella.

²⁹ Joale bosiung bona, pejana feela re phetla Lengolo, ha re buisaneng le Morena oa rōna.

³⁰ Ntata rōna oa Leholimō, re atamela Terone ea Hao ea mohau, ka Lebitso la Morena Jesu, E moholo Eo Ea theohileng Khanyeng ho re phuthullela menono ea matlotlo a Molimo. Re U leboha hakakang ka Jesu e moholo enoa Eo e neng e le ponahatso ea Molimo, ea hlahileng ho rōna ka namana, ’me ka Eèna re na le topollo libeng tsa rōna. ’Me joale re falsetse lefung ho kena Bophelong, kaha re lumela ho Eèna. Hobane ho ngoliloe ka Eèna, ho thoe O itse, “Ea utloang Mantsoe a Ka ’me a lumela ho Ea Nthomileng, o na le Bophelo ba kamehla; ’me a ke ke a tla kahlolong, empa o faletse lefung ho kena Bophelong.”

³¹ Hlohonolofatsa Mantsoe a Hao, bosiung bona, Morena. 'Me mona re tlil'o ja selallo nakong e khutšoane. Mokreste, baahi 'moho ba 'Muso ba tla teela lialetare hare, 'me teng ba tla ja seo re se bitsang "selallo," e—e karoloana ea—ea sakramente eo U re sietseng eona, ho itšupa re lumela hore U shoetse libe tsa rōna, le ho tsoha hape ka letsatsi la borarō, 'me u phela kamehla eohle, le ho etsa sena hofihlela U khutla, kamoo Mangolo a re laelang kateng. Hloekisa lipelō tsa rōna mehopolong e litšila le ho sohle seo re se entseng se khahlano le thato ea Hao e khōlō. Ntate, re tšoarele, le ho re fa mohau oa Hao bosiung bona. Re ngoathele Bohobe ba Bophelo joale, kahara Lentsoe, re sa Le bala 'me re bua ka Lona. Ka Lebitso la Morena Jesu, rea e kopa. Amen.

³² Joale Bukeng ea Tšenolo, ho qala ka temana e le 'ngoe feela, ke batla ho bala temana ea 20, kapa temana ea 1 ea khaolo ea 20.

*Ka ntoo bona lengeloi le leng le theohileng
leholimōng, le tšoere senotlolo sa sekoti le lehlaahlela
letsohong la lona.*

³³ Joale ke lakatsa ho bua, ha e le ntho e ka etsoang, haeba nka e reella therō e tsoang mona, kapa ho ntša mohlolitherō therōng ena, metsotsa e latelang e mashome a mabeli kapa e mashome a mabeli a metso e mehlano, ke rata ho e bitsa, *Senotlolo Sa Monyako*. Joale, ha kea hopola ho—ho e rea "linotlolo," hobane Petrose o ne a fuoe "linotlolo tsa 'Muso.'" Empa sena ke batla ho se rea: *Senotlolo Sa Monyako*. 'Me hang ka morao ho mona, ke batla ho bua nakoana ka selallo, pele re se ja bosiung bona.

³⁴ Joale, senotlolo. Ke eleletsoe mona ha re bala, hoba Lengeloi lena le theohile Leholimōng, le tšoere senotlolo letsohong la lona. Kea kholoa ke Tšenolo 13 kapa 19, re boela re fumana, Lengeloi le leng tlang le tšoere senotlolo. 'Me senotlolo, morero oa senotlolo, ke ho notlolla ntho, ntho e notletsoeng, kapa ntho e tlamehang ho notleloa. Empa senotlolo se abeloa morero oo.

³⁵ Joale, linotlolo li mefuta e mengata, kaha linotlolo re li sebelisetsa mabaka a mangata. Li teng linotlolo tsa litoro. Se teng senotlolo sa ntlu ea hao, se teng senotlolo sa koloi ea hao. 'Me re li bitsa linotlolo, 'me ke linotlolo. 'Me li khona ho sehoa li kopitsoa, hangata. Kapa tlung, ka linako tse ling ho ka etsoa, seo re se bitsang, senotlolo motla-o-tutsoe. Ka mantsoe a mang, ke senotlolo se mafapha a mangata, a sebetsang ho sona, a—a sothang loko ka mokhoa o itseng 'me se batla se notlolla monyako ofe le ofe, se bitsoa "senotlolo motla-o-tutsoe." Moralo oa sona ke mohlolohlolo oa linotlolo tse ngata, 'me se ka notolloa ka mokhoa oo, matlung a rōna kapa esita le makoloing a rōna, se ka sehoa sa kopitsoa. 'Me hape ho be le . . .

³⁶ Senotlolo sefe le sefe ha se khone ho notlolla monyako ofe ha se sa sebelisoe ke letsoho. Se tlameha ho sebelisoa ke ho hong. Senotlolo ha se khone ho itšebelisa. Senotlolo se tlameha ho tsokotsoa ke ho hong.

³⁷ Joaloka maekrofono ona oo ke—oo ke buang ka oona. Maekrofono oo o thotse. Pele ntho e buela kahara oona, ha o khone ho ipuisa. Ntho e tlameha ho bua ka oona. Ka baka leo, ha se maekrofono, ke lentsoe kapa e—e lerata le (ka morao) maekrofono o le romelang ka—ka maqhubu a moea, ho fetisetsoa tsebeng ea hao.

³⁸ Joale, le therō ea Evangelī e a tšoana. Ha se rōna, joaloka bareri, ha re Evangelī. Re mpa re le liboholi tse hasang Puo ea Molimo ka botho ba rōna, ka banna, ho isoa ho moutloei.

³⁹ Le pono e a itšoanelā. Hona joale ha ke khone ho bolella kereke letho ka pono. Empa pele Moea o Halalelang o hlahissa, pele, o mphā pono, ke khona ho fallisetsa pono eo mothong eo e mo tobileng. Ha e a tlisoa ke botho ba ka, 'na, pono e ne e se 'na, ka sebele. Molimo ke oona o hlahisitseng pono, 'me 'na ke sebelitse sa lenqosa, le fetisetsang batho molaetsa oa pono.

⁴⁰ Joale, senotlolo sea itšoanelā. Le ntšoarele. Senotlolo se ka tšoaroa feela ke letsoho le notlollang monyako. Lea bona, e tlameha ho ba letsoho. Joale, 'me senotlolo seo ke tlang ho bua ka sona bosiung bona, senotlolo sena se ka tšoaroa ke letsoho le le leng feela, 'me lona ke letsoho la tumelo. Ke eona feela ntho e ka—eka tšoarang senotlolo sena. Ebile matsoho a tšoara linotlolo tse ling, 'me seo se hloka letsoho la tumelo.

⁴¹ Joale, ho tea mohlala re nka senotlolo sa tsebo. Joale, motho o tlamehile, haeba a leka ho ithuela tsebo, lea bona, joale, se teng senotlolo sa eona. Monna enoa o tšoanelā ho bula ka mokhoa o itseng. O tlamehile joalo, o tlameha ho tsoma libuka tsa hae le ho kenela lithupelo tsa hae, 'me a ke ke a khona... a ke ke a rutoa ke motho. Ba ka mo ruta, empa o tlameha ho ithuta. 'Me e ka etsoa ka mokhoa o le mong feela, o tlamehile ho qhautsa senotlolo seo, ntho e 'ngoe kahare ka mono e tlameha ho raroloha kapa ho un... ebe moo e mo senolelang tsebo eo a e batlang.

⁴² Batho ba ka leka ho letsā piano, 'me ba... kapa 'mino. Ha ba fuoa bokhoni boo, empa ba ka ea teng 'me mosuoe a ka ruta thuto e 'ngoe ka mora thuto e 'ngoe, 'me le ka mohla ha ba khone ho ithuta. Ha ba khone feela ho qhautsa senotlolo seo sa sephiri seo, ho cheha merethetho eo le melumo le kamoo lintho tseo li llang kateng. E hloka senotlolo.

⁴³ Le lipalo, se teng senotlolo sa lipalo, seo u tlamehang ho itšoarella ka sona. Ke bone banna ba nkang mela e mene ea litlhaku, 'me ba behe monoana oa bona, 'me monoana o mong le o mong o supile mola oa litlhaku, ebe ba theoha ka mokhoa oo mohlomong oa litlhaku tse tebileng hahlano kapa hatšeleta,

ebe ba bitoha ka karabo tlase mane. Ba khona ho rarolla mela e mene ka nako e le 'ngoe, ho tloha ho 'ngoe ho fihla ho robong. Be, ke thatafalloa ke ho rarolla mola o le mong, ntle leha nka bala ka menoana e lekaneng le ea maoto 'moho, ho—ho rarolla mola o le mong. Ha kea khona ho fumana senotlolo seo. Empa, lea bona, ba bang ba bona ba tšoere senotlolo seo, ba fuoe bokhoni ba hoe sebetsa.

⁴⁴ Le senotlolo sa tsebo se teng, monna ea batlang tsebo. Senotlolo sa mahlale se teng, lipatlisiso tsa mahlale. Joale, e teng, ke senotlolo se seholo. Batho ba batla senotlolo.

⁴⁵ Joaloka nakoana e fetileng mona ba fumane athomo, 'me ba tsebile liathomo li le teng, 'me hape liathomo li bopile limolikh'ule le lintho tse joalo. Joale, eaba ba batlisisa, motho a lumela hore haeba athomo e bopeletse ntho efe le efe 'moho, haeba athomo eo e ka hlanamisoa, ntho eo e bopelotsoeng ke athomo e ka petsoloa. Hobane, ntho efe le efe e teantsoe 'moho ke athomo, re tseba seo. Joale, thupa eane e teantsoe ke liathomo. Le uena u teantsoe ka liathomo. Joang, lifate, ntho efe le efe e teantsoe 'moho ke liathomo. Be, haeba athomo eo, e ka hlanamisoa, ha e ka petsoloa 'me ea hlanamisoa, e ka hlahisa tšenyo. 'Me, joale, boramahlale ba baholo ba lumela hore e ka etsoa, eaba ba sebetsa 'me ba sebetsa, ba qeta hora ka morao ho hora, le veke ka mora veke, selemo ka mora selemo, 'me qetellong ba e qhaneha.

⁴⁶ Kea kholoa, mona e ne e le eena, Thomas Edison, mabapi le leseli, ho thoë monna o ne a emere tsebo e reng a ka hlahisa leseli la motlakasse. Ke eëna mosibelli oa leseli la tioloupu. 'Me a sa batle le ho robala bosiu. O ne a kokosa semenchisi letsohong la hae a je lijo tsa hae, a lule mono a ja masapo a hlooho 'me a sebetse. Kae-kae motseo ho monahano oa hae, ntho e 'moleletse hore a ka khona. Ke eng? Ke senotlolo se khonang ho bula tsela.

⁴⁷ Lilemo tse 'maloa tse fetileng, ho hlahile e—e monna ea lumetseng a filoe talenta ho ngola liratsoana tsa likh'omiki. A lumela a tšoere senotlolo letsohong la hae. 'Me a batlie... a tloha... O ne a lula Kansas. Eaba o etela mohlophisi oa pampiri e kholo mane Kansas City, eaba o nka lingoloa tse ling tsa hae. 'Me mohlophisi a re, "Monghali, u lephaka feela. Uena, le ho leka ha u hloke, uena, u ke ke ua khona." Empa hoo ha se ke ha mo kholisa. O itsebile a tšoere letho. Eaba o khutla hape le hape, a ntse a leka, empa eëna (mohlophisi) a mo khutlisa. Qetellong, a etela libaka tse ling, 'me ba mo latolela, ba re, "Mokana ka, ha u na neo ea letho. U ke ke ua khona." Empa koana a lumela hobane a ka khona. 'Me ho joalo, o ne a tšoere ntho letsohong la hae! Qetellong, a thola mosebetsi oa ho ngola liratsoana, kea kholoa, tsa mohlophisi kapa ntho e itseng ea kereke, ntho e kang seratsoana sa kh'omiki ea kereke. 'Me a hira nthoana ea kho-kapa karache e tletseng litoeba, litoeba li thala hohle le eng hape, kahara likobo tsa hae, eaba o elelloa

mohlolo oa toeba e itseng e nyenyane. Pale ea Mickey Mouse e qapiloe mono. Hona joale ke Walt Disney ralimionemilione. Hobaneng? O ne a fupile selo letsohong la hae, 'me o e tsebile, o itsebile a ka khona. 'Me tšibollo efe le efe e khōlō e finyelloa joalo. Keha banna le basali ba tšoereng selo letsohong la bona, ba itseba ba ruile bokhoni.

⁴⁸ Mohla pholio e ne e tea sechaba. Joalokaha, bohle re laeloa ho entoa ka moriana ona, ho e falatsa. Mohla pholiso e ne e tea... Maobane keha ke mametse ngaka ke khanna tseleng, ngaka e itseng e tsoang Louisville. A re, "Lilemong tse 'maloa tse fetileng, mohla seo seo se neng se tea Louisville," ha thoe, "hola banna ba ema moo nkileng ka ema teng, mohla ke shebileng machini a thusang phefumoloho a mashome a mahlano a metso e supileng ka nako e le 'ngoe, 'me banna, basali, bashanyana le banana, ba holofalitsoe le boloetse bo bitsoang 'pholio,' ho se letho le ka etsoang ka eona." Ha thoe, "Ha ke sa batla ho bona ntho e kang eo hape."

⁴⁹ Empa mahlale a ile a nahana, "Efèla ha bobo bo kang pholio bo hlahile, ruri e teng ntho e ka bo loantšang." Eaba ba loana, ba ema literateng ka libutšu, banna bao ba litimamollo, ba rola likatiba, 'me ba kopa, ba iphetola mekopa-kopa, ba etsa tsohle, ba leka ho fumana senotlolo se bulang monyako oa tokoloho. 'Me, qetellong, Mokreste e mong ea bitsoang Salk a sibolla vaksini. Hobaneng? Bobe bo ne bo jele setsi, 'molai o ne a thankha sebaeng; senotlolo se ka boelang se notlolla tokoloho ea motho se ne se behiloe nqa e 'ngoe, 'me vaksini ea Salk ea eba kalafo e khōlō. Oh, senotlolo se ka etsang! Vaksini e ile ea hlahisoa, 'me joale ho pholio e ka fekisoa ke vaksine ena, kaha ho kile ha hlaho "ho se khathale le ho se tèle," senotlolo se ne se robetse nqa e 'ngoe. Ho e-na le ntho e ka entang khahlano le eona, 'me keha ba ikemiselitse ho e sibolla.

⁵⁰ 'Me haeba bobo ba pholio bo le teng, diphtheria, sekholopane, feberu e tšebla, thethanase, lithhaha tse sataletseng, le lintho tse joalo, tseo mahlale... bobe bona bohle, e khonne ho li loantša, motšebara le bosiu, ba ba ba sibolla ente khahlano le eona, hobane e le bobo, ke 'molai, hakakang senotlolo sa pholoso ea motho ea koaletsoeng tlung ea teronko ea sebe? Se teng senotlolo sa monyako oo, ho loela batho.

⁵¹ Senotlolo, ka tloaelo, ha se sotha loko, 'me, ha u fumana senotlolo, letlotlo le itseng le teng, ntho e theko e thata, ho sang joalo u ka be u sa notlele. Haeba e sa lokeloe ke ho notlella, e tlohele feela. Empa haeba e lokeloa ke ho notlella! Ka tloaelo senotlolo se—se lemosa ho hong, kapa mokhoa oa ho finyella ntho e thekothata. Senotlolo, se reretsoe morero oo, joale, se notlolla ntho e thekothata.

⁵² Joale re bala ho Mohalaleli Johanne, khaolo ea 10, Jesu o buile, "Ke 'Na Monyako oa linku. Ke 'Na Monyako," e seng

monyako *feela*, “Monyako *to*, Monyako o le mong *to*. Ke ’Na Tsela, eona *feela* Tsela, ’Nete, le Bophelo, ’me ha ho ea ka tlang ho Ntate haese ka ’Na. Ke ’Na Monyako oa linku ’me bohole ba tlileng pele ho ’Na ke masholu, linokoane le bakhothotsi.” Ke Monyako oa linku. Ke Monyako oa pholoso.

⁵³ “Ha ho lebitso le leng leo le le filoeng tlasa Leholidō leo le ka bolokehang le lona, ke ka Lebitso la Jesu Kreste *feela*.” Ha ho kereke, ha ho mokhatlo oa bolumeli, ha ho tumeloana, ha ho lithuto kapa le letho; ke ka Lebitso la Jesu *feela*. Ke sona e—ke sona Senotlolo. Ha ho makatse Petrose a khonne ho sebelisa se seng sa tsona ka Letsatsi la Pentekosta! Ba ne ba batlide tsela ea ho kena Monyako oo. Eaba o sebelisa Senotlolo. ’Me Senotlolo se seng *feela*, hobane Monyako o mong *feela*. “Ke ’Na Monyako.” ’Me Petrose o ne a tšoare Senotlolo sa Oona. ’Me o itse, “Bakang, e mong le e mong oa lōna, le kolobeletsoe ka Lebitso la Jesu Kreste tšoareleng ea sebe sa lōna, ’me le tla fuoa matlotlo a Molimo.” Ke Senotlolo sa Monyako, ’me Jesu ke Monyako.

Monyako oa pholiso o mong *feela*, ’me Jesu ke Monyako oo.

⁵⁴ Monyako oa khotso o mong *feela*. Yaa. “Ke le fa khotso ea Ka.” Ke Eēna *feela* Monyako o le mong oa khotso ea makhonthe. U ka ikhopola o fumane khotso. U ka bokella chelete e ngata ho ithekela ntlu, u ka bokella chelete e ngata ho rekela bana ba hao liaparo, ho fumana lijo ho ja, empa ekaba u ipoloketse botumo bo lekaneng ho tuma hara batho. Empa ha u rola lieta tsa hao bosiu ’me u itokisetsa ho robala, e ’Ngoe *feela* Ntho e ka u fang khotso. Eona, haeba u tseba u tlil’o shoa bosiung boo, Khotso e ’ngoe *feela*, ’me, eona, ke hore Jesu ke Khotso. Ke Eēna Khotso ea rōna.

⁵⁵ Ke Pholiso ea rōna. “Ke ’Na Morena Molimo ea folisang maloetse a lōna ohle.”

⁵⁶ Ke Monyako oa rōna oa Leholidō. ’Me monyako o mong ha o eo kapa ha ho tsela e ’ngoe haese ka Jesu Kreste. Ke Monyako oa Leholidō.

⁵⁷ ’Me joale Jesu ke Monyako oa lintho tsena tsohle, ’me tumelo ke senotlolo se notlollang Monyako. Joale, haeba Jesu e le Monyako oa litsepiso tsena tsohle tsa Molimo, tumelo mosebetsing oa Hae o phethiloeng e notlolla monyako o mong le o mong oa letlotlo ka leng le kahara ’Muso oa Molimo. Lea e bona? Senotlolo ke... Tumelo ke Senotlolo se notlollang tsepiso efe le efe eo A e etsang. Senotlolo sa tumelo se sebetsa joalo, tumelo mosebetsing oa Hae o phethiloeng. Re bua ka linotlolo tsena.

⁵⁸ Joale ho Baheberu, khaolo ea11, ke ngotse lethathama la tsona mona, tsa bahale bana ba tumelo. Senotlolo, sa—sa Monyako, ke sona se thibileng molomo oa litau. Senotlolo, sa tumelo, ke sona se notlolotseng matlu a lichankana. Tumelo, senotlolo sa tumelo, ke sona se timileng bohole ba mollo, se phemileng bohole ba sabole, se tsositseng bafu ba boela ba

phela. E ne e le tumelo, senotlolo sa tumelo ho Molimo o phelang. Letsoho leo, monna eo, mosali eo, ea ka tšoarang senotlolo sa tumelo, ba ka notlolla tšepiso efe le efe eo Molimo a e balileng. Empa ha u sa tšoara senotlolo seo, u mpa u hlohlotsa feela, u ke ke ua le notlolla. U tla le batolaka, hobane senotlolo sena . . .

⁵⁹ Senotlolo sefe se sehliloeng ka tšoanelo se betliloe mafapha kahara loko, 'me ke lefapha le ikhethileng leo, ke sebopheho se ikhethang feela sa linotlolo tseo se ka hlanamisang mafapha ao. 'Me haeba lenakana lefe le fapohile tsela, le tla lubakanya ntho eohle.

⁶⁰ Ka baka leo, ke lumela ho Evangelie tletseng, Lentsoe le leng le le leng la Molimo, le lokolla matla ohle a Molimo, le lokollela batho mahlohonolo a Hae. Ke senotlolo sa Monyako, se A lokollang. Oh, bahale ba baholo bao, baporofeta ba baholo bao le banna ba baholo ba Bibebe, ba ne ba tšoere senotlolo seo! Ba khonne joalo ho thiba molomo oa litau, ba tima bohale mollo, ba phema bohlale ba lerumo, ba boela ba buseletsoa bafu bophelong, 'me ba etsa mehlolo ea mefuta, kahobane ba ne ba tšoere senotlolo seo 'me ba tsebile hobane se a sebetsa, hoba e ne e senotlolo se tsoetsoeng ke Lengolo.

⁶¹ Joale, joale haeba ke hlohlotsa ka senotlolo sa tumeloana, ha ke tsebe na se tla etsang. Haeba ba re, "kereke ea ka e bua sena," ha ke tsebe letho ka seo.

⁶² Empa haeba e rutoa ke Bibebe, 'me ke tšoere senotlolo sa tumelo letsohong la ka, kapa pelōng ea ka, se reng "leo ke Lentsoe la Molimo," se tla tima bohale ba mollo, se tla notlolla pholiso ea bakuli, se notlolla pholoso ho ba lahlehileng. Ke tlameha ho fihla Monyako, ntho efe le efe e etsoa ka Lebitso la Hae. "Sohle seo le se etsang ka polelo kapa ka ketso, le se etse ka Lebitso la Hae." Ho tseba hore u tšoere senotlolo sa tumelo, hobane ke senotlolo se betliloeng ke Lengolo. Joale, haeba e le senotlolo sa tumeloana, senotlolo sa mokhatlo oa bolumeli, ha ke tsebe na se tla etsang. Empa haeba e le senotlolo se tsepamang le Mangolo, se tla notlolla, hobane Molimo o itsalo. Joale, oh, ha ho makatse ha ba khonne ho tima bohale ba mollo, le lintho tse joalo, ba ne ba tšoere senotlolo.

⁶³ Enereha Molimo o ne o riba-riba hang ka hlooho le e mong oa baporofeta bao, ba ne ba sa thijoe ke letho. A sa tlameha ho sebetsa joalokaha A sebetsa ka 'na ka linako tse ling, ho e otlella hape le hape, 'me le lōna mohlomong (kea tšepa ha ho joalo), empa ho lula a mpolella, "Tsam'o etsa sena," ebe u a klothometseha, "U boele u etse sena," le "Khutla hape u boele u e etse, ha u a e etsa hantle." Ho ōma hang feela nyenyane! Feelas, ba ne ba utloa Moea o ba laelang, "Ehlide ke eona," 'me ha ba thijoe ke letho. Moena, ba—ba—ba thibile molomo oa litau, ba phemme bohale ba lerumo, ba timile mollo, ba entse eng le eng. Ha Molimo o ōma ha nyenyane feela, kaha ba ne

ba tšoere senotlolo letsohong la bona, tumelo eo ea tonana! Ba etselitse Molimo lintho hobane ho se letho le tlang ho ba thiba. Oh, ho babatseha joang!

⁶⁴ Joaleka mohlankana ea kileng a atamela moena oa khale e leng monna oa morapeli, moporofeta oa khale oa Molimo. 'Me esale a mametse bopaki ba monna eo, a sa khaotse ho bua ka molemo oa Molimo, le ka semelo sa Molimo, le ka seo Kreste a neng a le sona, 'me a 'na a tsoelapele feela, a ntse a bua. Qetellong, mohlankana enoa a batla ho tlotssetsoa tšebetso ea lentsoe, eaba o atamela mohale enoa oa khale, a re ho eèna, "Monghali, ke batla ho u botsa potso."

A re, "U ka botsa, mohlankana."

⁶⁵ A re, "Na Kreste ho uena u hlile u moholo kamoo u E tlalehang kateng?"

⁶⁶ A re, "O bohlokoa hakana ebile phefumoloha ea ka e sitoa ho hhalosa!" Ke eona. E ne e le eng? O ne a fumane senotlolo.

⁶⁷ Monna e mocha eo, ka polelo eo a re, "Haeba u tlaleha lintho tsena, 'me u re li tiile hakaalo, joale ke batla ho tseba Jesu eo, ka bonneta bona boo." E ne e le eng? O tsebile motsofe eo a tsere senotlolo, seo a khonang ho notlolla ka sona le ho koala ka sona.

⁶⁸ Lea tseba, senotlolo se notlelang, se a notlolla, hape. Lea bona? O ka lokolla kapa oa tlama. Ke hantle. Sona senotlolo se notlelang, se a notlolla. Senotlolo se notlollang, se khona ho notlela. 'Me ehlile ho joalo, lea bona, hobane se sebetsa babeli. Ho haula hakakang haele moo kereke e lahlehetsoe ke pono eo! Masoabi a makakang mohla kereke e ne e ithekisetsa litumeloana, kamoo re entseng kajeno, 'me joale ho hlajoa mokhosi oa kopano.

⁶⁹ Re bone moo bolaoli bo boholo ba Roma le bao ba tlileng ho kopana joale, ba tlil'o fetola mananeo a itseng. Ke itse ha ba fetohe; empa ba tli'o e etsa, leha ho le joalo, ho abela moprista e mong le e mong matla a mopapa, le—le hohle moo a leng teng, le lintho tse joalo. E haula hakakang, haele moo kereke e ithekisitse ho litšomo sebakeng sa Lentsoe. Lea bona? Ba siile senotlolo, hantle hona mono. Ke ka baka leo mehlolo e meholo le meeka e sa etsoeng hara batho kajeno, ntho e kileng ea etsoa, ba lahlile senotlolo! Yaa, ba tseba Monyako, ba tseba hore Monyako o teng mono, empa ntho e hlahlamang ke senotlolo se bulang Monyako. Matlotlo a ka morao ho Monyako. A notletsoe, a potetse, a saretse ho mosalumele. Empa ho molumeli, ea nang le tumelo 'me a khona ho tšoara senotlolo sa tumelo, a ka notlolla Menyako ena. E, monghali.

⁷⁰ Lilengoana tse 'maloa tse fetileng mona, moena oa mishinari, o kile a utloa pitso ho ea Afrika. E le mothaka e mocha; ka mosali le bana ba babeli, ba le batle, banana ba bacha, lilemo tsa bona li ka supa kapa li le robeli, e mong khahlano le e mong. 'Me mothaka enoa a sa khone ho

iphapanya eona. E ne e le e—e moreri, a e-na le kereke e ntle naheng. Empa a sa khone ho iphapanya pitso eo, u “tšoanelia ho ea Afrika.” ’Me a rapela, motše share le bosiu. A sa batle ho ea. ’Me Molimo a ’na a buisana le eèna, “U tšoanelia ho ea!” ’Me qetellong a fihla mono, ho makhaolakhang, moo, a—a tšoanelang ho tsamaea!

⁷¹ Eaba o tloha ho ea bonana le lekhotla la kereke ea hae, ’me a re, “Molimo o mpilelitse masimong a boromuo a motše koana likhoeng tsa—tsa Rhodesia.” ’Me sekhoa sena se tletse malaria, le feberu ea letsatsi le chesang leo, maloetse le lepera, le maloetse a mefuta eohle motše o sekhoeng sena, hona moo a tlhang ho etsa, ho qeta bophelo ba hae bohole. A rekisa ntlu ea hae le tshole tsa hae. Eaba moo lekhotla la boromuo a le batlang ho mo fetisa hlahlobong, ’me ba re, “Na u hlile u tiile joale?”

A re, “Ke kholisehile.”

⁷² Ba re ho eèna, “Monghali, na u hlile u nahanne tjena, hore u na le banana ba ba batle ba baeli, ’me u na le—le mosali e mocha, ’me haeba feela u... Hobaneng u sa tsamaee ho ea hloela u ntano khutla?”

⁷³ A re, “Che, Morena o ntaetse. Oh, e hlile e tiile!” A re, “Morena o mpitsitse. ’Me ha ke—ke batle ho siea lehae la ka, ha ke batle ho tlohela kereke ea ka le batho ba hesō, empa Morena o mpilelitse motše mono sekhoeng seo.”

⁷⁴ ’Me a re, “Monghali, na u a tseba banana ba hao ba ka tšoaroa ke feberu e tšehla kapa feberu ea metsi a matšo, ’me ba shoa, ka bosiu bo le bong?” ’Me eaba o bua ka batho ba fapaneng ba lahlehetsoeng ke bana ba bona, mathaka a manyenyane, ba ile le bona motše mono, ba tšoaroa ke maloetse ao ba se nang ente ea oona. Le ho re, “Nahana ka lepera, mohatsa’o ea motle le banana ba hao ba babeli ba ka tšoaroa ke lepera, le letsatsi le chesang leo le lintho tseo u tlamehang ho li mamella.” Ha thoe, “Ha u tšabe, kotsi ea ho isa bana ba hao le mohatsa’o tulong e kang eo?”

⁷⁵ Eaba mishinari o eme mono, mothaka e mocha, likeleli tsa qala tsa rotha marameng a hae, a retoloha, a re, “Baenabesō! Pono ea ka ea pitso ea Molimo,” a re, “Efèla ha Molimo o mpilelitse Afrika, bana ba ka le lelapa la ka ba bolokehile Afrika ho feta tulong efe lefatšeng.” Amen. E ne e le eng? O ne a tšoere senotlolo sa pitso ea hae, a fumane tumelo ea seo a se buang. Oh, ka nahana, tlhahiso e khabane hakakang! Khetlo la pele ha ke e utloa, pelō ea ka ea tlolaka. Ua bona, “Efèla ha Molimo o mpilelitse Afrika, bana ba ka ba teetsoeng hare ke lepera le maloetse le ntho eohle, mono ba bolokehile ho feta tulong efe holima lefatše.” O ne a tšoere senotlolo. E batla hoo.

⁷⁶ Ha u tšoere senotlolo, ha ho tšabo, ha ho pelaelo, ha ho potso. Ha u a tšoanelia ho botsa mang ka eona, u tseba hantle. U se tšoere matsohong a hao, u tseba seo u tlamehang ho se etsa. Amen. U

tseba maemo a litaba, u a tseba monyako o tla notollooa. U hlahlobile linakana 'me u e tseba ehlide le ntho e nèpahetseng, monyako o tlil'o fofa o buleha ha u sunya senotlolo.

⁷⁷ Oh, hola feela kereke e tšoere linotlolo! Hola feela kereke e ka tšoera senotlolo seo sa tumelo, re ka bula monyako ofe le ofe, maloetse afe le afe, seoa sefe le sefe, bothata bofe le bofe. Re ka bo buleloa hola re ka tšoara senotlolo sena. Monna enoa o ne a tšoere senotlolo sa pitsa ea hae.

⁷⁸ Haeba le ka tšoarela bopaki ba ka. Ke sa hopola lilemo tse leshome le metso e mehlano, tse leshome le metso e supileng tse fetileng joale, nka rialo, ha Morena a mpolella tlase mono holima nōka, mohla A theohang ka Topallo eo ea Mollo Eo le bonang setšoantšo sa eona, 'me A bua le 'na A re, "U tla jara Molaetsa ona lefatše ka bophara."

'Me ke sa hopola mohla A buang le 'na mane Lelaleng la Green.

⁷⁹ Eaba ke ea bolella molisa, 'me a re ho 'na, ho re, "Billy, ebe u ne u jele'ng bosiu boo? U ile ua tšoaroa ke sesitahlohoana." A re, "Khutlela mosebetsing oa hao. U sebeletsa Public Service Company, mosebetsi oa hao o motle, khutla u shebane le litaba tsa hao—hao, mora." Ho re, "U ile ua tšoeroa ke sesitahlohoana. U jele ntho e 'ngoe." Ha kea ka ka sisinyeha ka letho!

⁸⁰ Mohla ke ne ke qala litšebeletso tsa pholiso, bongata ba lōna mona le hopola Molaetsa oa ka hoseng hoo, *Davida O Ea Khahlana Le Goliathe*, oo ke o rerileng.

⁸¹ Eaba ba re ho 'na, a re, "Mehleng ea mahlale a sejoale, holima ho fatakantsoe litsibollo tsa meriana tsa mefuta-futa hakana, holima re qhanehile lingaka tse khabane hakana, ebile khale kereke e lebetse pholiso ea Khalalelo le linyee tseo, lilemo tse ngata tse fetileng, u tla khahlana joang le seqhobane se se kaalo? U tla khahlana joang le Bamethodise, Mabaptise, Presbeteriene, le lintho tse joalo, esita le Mapentekosta, ebile khale ba e lebetse, 'me ba sohlometse litumeloaneng tsa bona? U tla tobana le bona joang, u se na le mokhatlo oa bolumeli kapa u sa tšehetsoa ke letho? U tla etsang, Bill?" Ka mokhoa o itseng, le oane, ha e a ka ea ntšisinya le ha nyenyane, kaha ke ne ke tšoere senotlolo letsohong la ka! Ka re... Ba re, "Ha ho motho ea tla u lumela. U ke ke ua e khona. Ha ho motho ea tla u lumela."

⁸² Ka re, "Ha ke tsotelle. Ntho e le 'ngoe eona e tīle; Molimo o mpitsitse, 'me ke tšoanelo ho tsamaea hobane Molimo o mpitsitse." Ke ne ke tšoere senotlolo. O ne a mpitsitse, O ne a mpontšitse, O ne a mpoleletse, 'me mohla A ne a nthoma ke bone Sefahleho sa Hae, 'me senotlolo se ne se le teng!"

⁸³ Molisa a re, "Ka thuto ea garata ea bosupa, u tlil'o rera 'me u rapela pel'a marena le batlotlehi!"

Ka re, "Ke ho latela Lentsoe la Hae!"

⁸⁴ Ka eona nako ena ngoahola, kapa veke kapa tse peli pele ho moo, mohla ke tlileng koano kerekeng 'me ke re ho lōna Morena Molimo o mphile pono ea ho ea...ke tla kena letšolong la ho tsoma, 'me ke tla fumana e—e phoofolo ea mofuta, eo bolelele ba linaka tsa eona e leng li-inchi tse mashome a mane a metso e 'meli. 'Me tseleng e khutlang hoba ke fumane phoofolo ena (moo e tla beng e robetse teng, le malulo a eona), tseleng e khutlang ke tla bolaea bere eo ntlhana ea boea ba eona e leng silifera. Eaba ke ea tulong ena, ka qoqa le monna, 'me a re, "Ha ke tsebe phoofolo e joalo. 'Me ebile bere ea grizzly, ha ke eso e bone."

Ka re, "Empa e tlameha ho ba hlaha nqa e 'ngoe."

⁸⁵ Eaba o re, "Ebile ha ee naheng ea libere. Re ea lebatooeng la linku, holimo koana moeling oa meru." Be, ka tsamaea le eēna.

⁸⁶ Letsatsi la bobeli kantle, hona tulong eo, hantle moo Morena a boletseng teng, phoofolo keha e robetse mono. Eitse ha ke tloha ho lata phoofolo eo, ha re ntse re buha letlalo le khorola linaka le lintho tse joalo, re li poma, a re, "Ke batla ho u botsa taba. U mpoleletse, matsatsi a mararō a fetileng ha re tloha e—e liahelong, ka mora hoba u thunye phoofolo ena ea mofuta, u itse tseleng e khutlang u tla 'bolaea bere e boea bo silifera ntlanheng."

Ka re, "Ke HO RIALO MORENA!"

⁸⁷ Ho re, "Ha ke belaele," a re, "moena oa ka o ne a jeoa ke sethoathoa, 'me u eso 'mone bophelong ba hao, mohla u ne u etetse holimo mona, 'me ua mpolella hoba ngoana eo o tla fola ha nka etsa hore ho itseng. 'Me u hlile a fola." A re, "Joale, empa, Moena Branham, ke batla ho u botsa," a re, "ke khona ho bona tlase koana thabeng moeling oa moru oane, moo lipere tseo li emeng. 'Me ha ho letho mono. Ha ho le qoba ea joang, ha ho lejoe, ha ho letho." Ke boriba ba karibou, bophahamo ba bona ekaba li-inchi tse peli, holima moeli oa moru, maele kapa ho feta holima moeli oa moru. Ho re, "Ebe bere eo e tla hlaha kae?"

⁸⁸ Ka re, "Molimo ke Jehova-jire. Haeba A mpoleletse bere e tla hlaha mono, e tla hlaha."

⁸⁹ Ho theosa le thaba, enereha re tsamaile halofo ea maele kapa ntho e joalo, re atamela, a re, "Moena Branham, bere eo e mothatsing oa ho hlaha."

Ka re, "U se tšoenyehe, e tla hlaha."

⁹⁰ Eaba re atamela kahara lijarete tse makholo a mahlano moo lipere li ne li le teng, ra tlameha ho phomola hape ka baka la linaka tse boima le lintho tse mokokotlong oa rōna. 'Me a boela a qamaka, 'me ka bona sefahleho sa hae ha a ncheba, eka o belaela tlase pelōng ea hae. Lea bona, o ne a *tšepile* hore e tla hlaha, a mpa a sa tšoara senotlolo.

⁹¹ Empa ka mokhoa o itseng, ka mohau oa Molimo, ha A eso mphoqe. Mohla A ne a mpolella ka ho hlaha ha ntlhana-silifera mono, keha ke tšoere senotlolo. Keha ke sa e belaele ka letho, le ho leka. Ka retolohela ho eèna, 'me ka re, "Bud, e tla hlaha." Eitse feela ha ke retoloha, keha bere eo e eme mono [Sekheo lebanteng—Mong.] hantle ka holima rōna, e ka ba bohole ba halofo maele.

⁹² A khoesa ligalase, a re, "Billy, aka nthuse, ke ntlhana-silifera e khōlō!"

⁹³ Lea bona, senotlolo, pono, Lentsoe la Morena, ha ho letho le ka Le fetolang kapa ho Le thibela. Bosiung bona kereke ha e hloke thuto. Bosiung bona kereke ha e hloke mokhatlo oa bolumeli. Bosiung bona kereke ha e hloke tumeloana. Bosiung bona kereke e hloka senotlolo sa Mangolo, Monyako. Etsoe, Kreste ke Monyako, 'me Ke Lentsoe. Tumelo Lentsoeng la Molimo o phelang e notlolla monyako ofe le ofe.

Molimo, re fe senotlolo. Re fe senotlolo.

⁹⁴ Baheberu, khaolo ea 12, e re, "Haele moo re teetsoe hare ke leru le le kana la bopaki, ha re lahleng boima bo bong le bo bong, le ho se lumele ho re tšoasang feela." E re "sebe," etsoe, *sebe* e le "ho se lumele." Lea bona? Sebe se seng feela, ke ho se lumele.

⁹⁵ 'Me *sebe* se bolela "ho fosa tekele." Ho tšoana leha u thunya, u fosa tekele, u mpe u tee sethunya sa hao, lea bona, hoba phoso e teng. U fositse tekele. Lea bona, khutla u boele u qale. Lea bona? E bolela retoloha, u fositse tekele. Ha u batla ho ba Mokreste, 'me u ea ingolisa le kereke, u fositse tekele. Ha u batla ho ba Mokreste, 'me ufafalitsoe ka lebitso la "Ntate, Mora, Moea o Halalelang," u fositse tekele. U mpe u khutle. U ke ke ua nèpa tekele. U tla hasakana, ka sebele ruri. E 'ngoe feela Ntho e ka u tsepamisang moleng o phethahetseng, ke Lengolo, Bibele, Lentsoe. Hoba, maholimō le lefatše li tla feta, empa Lentsoe la Molimo le ke ke la feta le ka mohla.

⁹⁶ Ka baka leo, tšoara senotlolo, tumelo Lentsoeng! 'Me thojana efe le efe ea tumelo eo u e lumelang, 'me u sa belaele le ka koli e le 'ngoe, u ka notlolla monyako ofe le ofe o emeng lipakeng tsa hao le lehlohonolo leo Molimo a u baletseng lona. Molimo a re thusé ho fumana linotlolo, ke thapelo ea ka eo. Ha re inamiseng lihlooho tsa rōna lentsoeng la thapelo.

⁹⁷ Ntata rōna oa Lehelimō, bosiung bona re U leboha ha U re neile senotlolo se re notlollelang pholoso. Ke—ke U leboha ka hona, Morena, ha e le moo re bolokehile, le ka senotlolo seo re khonneng ho se sebelisa hofihlela mona. Empa, Molimo, re fe tumelo, e reng Mantsoe afe le afe a ngotsoeng Bukeng ea Hao ke linakana tse nyenyane, 'me Senotlolo sena se bitsoang Jesu... Monyako ona, ke bolela, o bitsoang Jesu; 'me senotlolo, se bitsoang tumelo, se ama Lentsoe le leng le le leng, se a le

notlolla. Sea sotha se theola lenakana leo 'me re khona ho kena kahara lehlohonolo leo. Ntate oa Leholidō, re fe linotlolo, re tle re khone ho fumana tumelo litsepisong tsa Molimo, hore tumelo ea rōna e se hlollehe, re tle re khone ho sebeletsa Uena le bao ba re teetseng hare.

⁹⁸ Tšoarela sebe sefe sa ho se lumele ha rōna, Morena, re thuse ho ba ba Hao. Joale re atamela tafole ea selallo, 'me kea rapela, Ntate oa Leholidō, U re tšoarele melato ea rōna, re tle re khone ho kenela 'moka oa tafole ea Molimo ka thabo. Re e kopa ka Lebitso la Jesu. Amen.

⁹⁹ Moena oa ka, khaitseli, haeba u tšoere senotlolo sa 'Muso, senotlolo sa Monyako, senotlolo sa pholoso, Molimo a u thuse ho bula menyako le ho lumella Jesu ho kena. A tle a u nee lintho tseo u li lakatsang hakana—hakana.

¹⁰⁰ Joale, nakoana feelsa pele re qala ho bala ka selallo, ke batla ho bua nthoana kaha e amana le selallo. 'Me etlere ha re tla aletare ena, tsela ea ho tla e 'ngoe feelsa, eona, ke haeba re tšoere senotlolo sa tumelo matsohong a rōna, se re tsebisang hoba libe tsa rōna li tšoaretsoe. 'Me haeba re sa tšoara senotlolo seo ho notlolla Monyako oo, ho thoe libe tsa rōna li tšoaretsoe, ha re na tokelo tafoleng ea Morena. Hobane, ea jang le ea noang ka mokhoa o sa tšoanelang, o itjella o inoella tsuo, hobane a sa lemohe 'mele oa Morena. Joale, hoo ke 'nete.

¹⁰¹ Kea khlooa bohole ba tseba kajeno e le Letsatsi la Bochaba la Selallo. Lena ke letsatsi leo likereke tsohle li jang selallo. Ke Letsatsi la Bochaba la Selallo sechaba ka bophara. 'Me ke hopotse ho le boholokoa ho bua ka lentsoe kapaa mabeli mabapi le selallo feelsa re se ja, nakong eo molisa, haeba a khona, a ntseng a hlophisa Mangolo a—a tsamaiso ea tafole ea Morena. Joale, selallo sena . . . Joale, ke tla nka metsotsos e ka bang leshome feelsa.

¹⁰² Selallo sena seo re itokisetsang ho se ja, esale e le khang ea tonana ea thuto efe le efe kahara Bibebe. Ea bona . . . ebile e 'ngoe ea likhang tsa bona tsa feelsa kerekeng ea ho qala. 'Me kajeno Protestanta, ea Episcopaliane le Bamethodise, le kereke tse ngata tsa Maprotestanta, li ka amohela thuto ea Katolike, ea Roma e Katolike ka thabo, hola ba ka tlola tutulunyana ea selallo. Empa ba lumela moprista a tlameha ho nyala e be basebeletsi, kereke ea Katolike e lumetse makhetlo a 'maloa libokeng tsa bona le likopanong. Ba lumellana ka eona. 'Me ba ka lumellana ka lithapelo tse fapaneng, le ka lintho tse joalo, kereke ea Protestanta e ka lumela. Le likatekisima le lintho tse joalo, aletare e nyenyane mona le mane, 'me kereke ea Katolike e ikemiselimse ho e etsa. Empa tabeng ea selallo, ba oe le hona moo. Mang le mang ea balileng histori o a e tseba. Hobane, ehlile, ho latela mohopolo oa ka, ba tlameha ho tela lintho tse ngata, feelsa nka—nka e amohela, lea bona, hobane ha e fumanoe kahara Bibebe.

¹⁰³ Empa ke batla ho bolella kereke ea Katolike ntho e le 'ngoe. Na lea tseba kereke ea Katolike, t̄simolohong, e ne e le kereke ea pentekosta ea boapostola? Ehlile e ne e eona! E ne e le qalo ea kereke. 'Me na le bona moo ba—moo ba fihlileng teng, ha ba ka ba khaotsa ho fokotsa Lentsoe le ho eketsa t̄somo.

¹⁰⁴ 'Me ha kereke ea Pentekosta e ka phela lilemo tse lekholo, e tla kheloha Bibebe ho feta kereke ea Katolike kajeno, ho latela sekhhahla sa eona sa joale.

¹⁰⁵ Kereke ea Katolike e nkile makholo a 'maloa a lilemo, ho ritsa, lilemo tse makholo a mararō, ho tloha kerekeng ea ho qala ho fihla mohla kereke ea Roma e Katolike e neng e hlophisoa, eo ba ileng ba e qala. 'Me ba t̄sore, ba kentse limelala le lintho, 'me ba pomme *sena* 'me ba sotelitse *sena*, 'me ba nt̄sītse *sena* 'me ba kentse *sane*, 'me ba theotse lisēto tsa bohetene 'me ba hlomme lifika tsa Bokreste, le lintho tse joalo, 'me ba anantse ka Lona hofihlela seo ba leng sona joale, kereke ea Roma e Katolike.

¹⁰⁶ 'Me kereke Protestanta ea Pentekosta lilemong tse—tse mashome a mahlano tsa tlhaho ea eona, ha e ne e oa moo e qalileng teng, e tla be e mpefetse ho feta kereke ea Katolike, lilemong tse lekholo ho tloha joale. Ke hantle. Ke lentsoe le leholo leo, empa le ba shebe moo ba oeleng teng. Ba kene hantle mokhatlong, ba tlohile ba qeka ka *sena* le *sane*, le ntho efe le efe. 'Me ke bao ba tloha, lea bona, ba khutlela morao.

¹⁰⁷ Empa, *selallo*, se bitsoa "sophoro ea Morena." Joale, batho ba bangata, ba batla ho se ja hoseng. Kahara Bibebe ha se a bitsa *borakefese* ba Hae. 'Me kamoo batho bana kajeno, ba sa ntse ba se bitsa "sophoro ea Morena," 'me ha ba khone. Ba pomme *sophoro*, 'me ba e hlakotse, 'me ba se bitsa "tinare," masaoana. Sophoro!

¹⁰⁸ Joale, esale e le khang mehleng Bibebe, e ne e le khang mohlang oo. Batho ba ne ba sa utloisise sophoro ea Morena, ha ba fihla tafoleng. Pauluse o boleletse Bakorinthe bao. Ba ile ba fihla ba tahoa tafoleng ea Morena. Lea bona, e ne e sa utloisisoo mohlang oo. O itse, "Ha le batla ho ja, le je hae."

¹⁰⁹ 'Me ntho e 'ngoe, ha ba ka ba se utloisia, hore e ne e le eng. Baetsalibe, monna ea phelang sebeng, o tlie a ja selallo. Ha se a ka sa utloisisoa. Monna ea phelang le 'maè, 'mè ea mo holisitseng, athe kereke e ne e 'moleletse; a sa ntse a ej a selallo tafoleng.

¹¹⁰ 'Me ho fumanoa le liphapang hara bona, ba ntse ba ej a selallo. O itse, "Ho thoe le ipapisa le Balichaba ba bang. 'Me khohlano e teng—teng hara lōna, e kang mane—mane tlung ea Kefase, le lintho tse joalo." Ha thoe, "Le ipapisa le liketso tsa Balichaba." Lea bona, se ne se sa utloisisoe.

¹¹¹ Esale selallo se sa utloisisoe. Joale, nka tsoella lihora, empa re tlameha ho tšoarana le selallo sena le hlatsuo ea maoto. Joale hlatsuo ea maoto ba e tlolisa mahlo, ntle le mekhatlona e 'maloa ea malumeli. Mapentekosta a mangata a e furaletse ka botlalo. Lea bona? 'Me e lutse e le joalo kahara Bibele kamoo e kileng ea ngoloa. Lea bona?

¹¹² Joale, Roma ha e se bitse "selallo." Ba se bitsa "'misa, ke 'misa o halalelang." Ha ba je selallo, ba ja 'misa. Ke 'misa, 'me ehlile 'misa o faposa selallo moeelo oa sona oa makonthe. 'Misa o bolela ho "tšepa." Ba ja 'misa, ba tšepa (hore ha ba etsa joalo ka 'misa) Molimo o tla ba tšoarela libe, ka ho ja "'mele oa sebele oa Kreste, e leng oo moprista a o fetotseng 'Mele le Mali a Kreste," ba ja ntho eo, ba tšepa hore ka ketso eo Molimo o tla tlolisa libe tsa bona mahlo. Ke 'misa.

¹¹³ Maprotestanta a se bitsa "selallo." Selallo se bolela "teboho." Eo ke Moprotestanta... Katolike e ja 'misa, ka 'misa ba tšepa Molimo a ba tšoarela makhopo a bona. Protestanta e se ja ka teboho ka baka la se seng se entsoe ka puisano le Molimo; ho buisana le Eèna, hore e se e entsoe. Katolike e tšepa hore e entsoe; Protestanta e re e se e entsoe. Katolike e ipotsa haeba libe tsa hae li tšoaretsoe; Protestanta e paka hore li tšoaretsoe, hore u lokolohile. 'Me sellalo ke ho buisana le Molimo. 'Me lielemente tsena tseo re li jang, e seng ka *litšepo* tsa hore libe tsa rôna li tšoaretsoe, empa ehlile *li* tšoaretsoe. Hobane sona... E 'ngoe ke tšepo; 'me e 'ngoe ke tumelo. E mong o tšepa hore o lokile; 'me e mong o tseba a lokile. Lea bona? E mong, e mong o a tšepa, kaha a sa tsebe moo a emeng teng; e mong o tseba a lokile, kaha a tseba seo Molimo a se buileng. Ke eona. Ke eona phapang. Ka hona, ha u tšepa feela, u ele hloko; empa ha u tseba, u ka tsoelapele. Lea bona, ke hona ha u buisana le Molimo. Protestanta, o re o tšoaretsoe 'me o a e tseba; Katolike e tšoara 'misa, o tšepa hore o tla tšoareloa. Ho tjena: e mong ke mokopi, o tšepa hoba ntho e 'ngoe le e 'ngoe e lokile, lea bona; e mong ke mokopi ea lebohang se entsoeng. Ke bakopi ba babeli. Empa e mong o a kopa, o tšepa hoba o tla e fumana; mokopi e mong o tseba hoba o e fumane, 'me o Mo lebohile haele moo a mo file eona. Joale, phapang ke eo. Ke sona selallo. E, monghali. E mong o tšepa hoba o tšoaretsoe; e mong o a tseba hoba o tšoaretsoe, 'me o a e leboha.

¹¹⁴ Ka hona, selallo se etselitsoe Bakreste ba tsoetsoeng bocha ke Moea oa Molimo. 'Me ho *tsoaloa labobeli* ha se ho lekanya hobane joale o fumane Moea o Halalelang. Joale le hopole. Joale, ba bangata ba ruta hoo. "Ha ke tsebe motho ea e rutang tjena," joalokaha Moena Arganbright a buile ho tsoa sefaleng sena bosiu boo, lea bona. Empa, tsoalo ea bobeli ha se kolobetso ea Moea o Halalelang. Lengolo ha le e tšehetse, ha ke hopole joalo, lea bona, kamoo ke bonang kateng. Lea bona? Ke lumela hoba u tsoaloa labobeli...

¹¹⁵ 'Me ka baka leo ke sebelisa lentsoe kolobetso ka Lebitso la Jesu Kreste, empa ha se bakeng sa nchafatso. Joale, Pentekosta, kereke ea United Pentecostal, e kolobetsa ka Lebitso la Jesu Kreste nchafatsong. Ha ke e lumele. 'Me ba ka e etsa ha ba batla. Empa ke lumela Petrose a itse, "Bakang," pele. Metsi ha a tšoarele libe. Church of Christ e ruta joalo. Empa kea lumela hore pako, tšoabo e halalelang; ho *baka* ho bolela "ho fetoha, ho khutla," u fositse tekele, "boela u qale bocha." Etsa joalo pele! 'Me kolobetso ea hao ea metsi ke sesupo sa kantle sa tšebetso e entsoeng kahare ho uena, e reng u amohetse Kreste e le Mopholosi oa hao.

¹¹⁶ Kea kholoa mona ke kereke feela bosius bona, kamoo ke tsebang, mona ha ke tle khafetsa ho tseba ea tlang le ea sa tleng. Ke nyatsitsoe nakoana e fetileng ka ho kolobetsa monna letšeng, motsofe oa khale. 'Me ka ea ho eèna, e le motsofe oa khale ea lokileng. Nkile ka fuoa monyetla oa ho tataisetsoa lelapa la hae lohle ho Kreste, kaofela ha bona ke Bakreste. Motsofe enoa e ne e le monna ea lokileng, 'me ke mo rata, eaba kea mo etela 'me ka re ho eèna, "Papa, hobareng u sa fetoh Mokreste?" O a nthata.

¹¹⁷ A re, "Moena Branham, ke tla fetoha Mokreste ha nka loka ho lekaneng."

¹¹⁸ Ka re, "Ke tla u joetsa na u etse'ng, Papa. Ak'o batle ho fihlela u fumana moo u ka lokang ho lekana, u ntano mpolella sebaka seo, ke batla ho ea, le 'na." Ka re, "Kreste ha a tlela ho pholosa motho ea lokileng. O tlela ho pholosa monna e mobe." Ha u ikhopola u lokile, e tla ba ha A tlela ho pholosa uena. O tlela ho pholosa bao A ba tsebang ba le babe. Ua bona? Kreste o shoetse ho pholosa baetsalibe. Lea bona? 'Me ka re, "Papa, mola o teng hona mona."

A re, "Be, ke tsuba lisakrete tsena."

Ka re, "Ha ke batle le bua ka tsona."

A re, "Ke lekile ho li tlohela, Moena Branham."

Ka re, "Ho lokile, re ke ke ra bua ka lisakrete."

A re, "Be, mohla ke . . ."

¹¹⁹ Ka re, "U se ke, u se hhole u bua ka tsona, li tlohele. Ke batla ho u botsa potso."

A re, "Ho lokile, ke efe?"

Ka re, "U lumela Molimo o teng?"

¹²⁰ Ho re, "Ehlide, kea e lumela." Ho re, "Ke e lumela ka matla hakaalo ka uena, kea kholoa, Moena Branham."

¹²¹ Ka re, "U a lumela hoba Molimo oo o ile oa futsoela tlhaho ea Oona oa etsoa nama oa aha hara rôna ka botho ba Jesu Kreste, ho pholosa motho?"

A re, "E, kea e lumela."

“Me O shoetse ho pholosa baetsalibe ba kang uena le ‘na?’”
Lea bona?

“E, kea e lumela.”

¹²² Ka re, “Joale, ho tjena. Bohle re kahara mohaho o le mong o moholo ka mona, ‘me bohle re chankaneng, ‘me nke ke ka ema sekhutlong sane ‘me ka re ‘sena se tla nthusa ho tsoa chankaneng,’ ebe ke ema sekhutlong sane ke re ‘sane se tla nthusa ho tsoa chankaneng,’ bohle re rarahane ka ho tšoana. ‘Me motho mang le mang ea tsoetseng lefatšeng o tsoaletsoe sebeng, o bopetsoe bokhopong, o tlie lefatšeng a bua mashano. Ke molotsana, le ho qaleng.”

¹²³ Motho o botsitse tsatsi le leng, a re, “Moena Branham, haeba . . . na phapang e ka fumanoa lipakeng tsa Adama le Eva, le bana ba bona kajeno, hola ba eme ba sa apara, ba tsamaea kahara . . . Na ebe—ebe mebele ea bona e ka tšoana?”

¹²⁴ Ka re, “Che, monghali.” Re ne re tsoa tsoma lihlora, ‘na le Moena Fred, le sehlopha sa bona. Ka re, “Che, ba ne ba sa tlo tšoana.”

¹²⁵ Ho re, “U re Eve e ka be e se mosali ea tšoanang le barali ba hae, le Adama e ka be e se monna ea tšoanang le bara ba hae?”

Ka re, “Ehlile mabakeng a mangata, empa e seng ka nqa ea ‘mele.’”

A re, “Ebe phapang e ka ba efe?”

¹²⁶ Ka re, “Ba ka be ba se na mokhubu. Ba bopiloe. Hantle. Ba ne ba sa khomathisoa ho letho.”

¹²⁷ Ntho efe e tsoolang lefatšeng lena haeba e tšoana le hoo, e itšupa e le molotsana, le ho qaleng. Ke hantle. Ka re, “Ehlile, phapang e teng. Ba ka be ba se na mokhubu. Ba ne ba sa khomathisoa ho mosali, ho fihla mona.” Lea bona, ba bopiloe ke Molimo.

¹²⁸ Joale, ka re, “Ke batla ho bua taba. Mang le mang kahara ntlu ena ea chankana, ke mang ea halalelang? Ke mang ea sa tsoaloang ka bong? Ea ka thusang e mong ke mang, leha e ka ba eng? Bohle re hlahlletsoe kahara chankana ena. Empa eaba Molimo o Iphetola se seng sa libopuo tsa Hae eaba o koekoetla tsoalo ea bong, ka Mali a halalelang ao A bopileng ka sebele sa Hae, ‘me O re lopolotse ka Mali ao.” Ka re, “U a e lumela, Papa?”

A re, “Kea e lumela.”

¹²⁹ Ka re, “Kreste o shoetse monna ea mobe ea kang uena. Joale, tsela ea ho sebetsa e ‘ngoe feela. Ha ho letho leo u ka le etsang. Ke Eèna ea u abelang eona. U ke ke ua e sebeletsa. U ke ke ua etsa letho ho e rua. Ke Eèna ea u neang eona. Na u tla amohela seo A u etselitseng sona, ho u phemisa lihele?”

¹³⁰ A re, “Ke tla etsa joalo.” A re, “Hola feela nka tela lisakrete tsena.”

¹³¹ Ka re, “Lisakrete tsena li tla iponela. Uena feela... Ha ke u kope. Ha ke ramolao. Ke lumela mohau. ‘Bohle bao Ntate a ‘Neileng bona ba tla tla ho ‘Na.’” Ka re, “Haeba u lumela hoo ka pelō ea hao eohle!”

A re, “Ka pelō ea ka eohle, kea e lumela.”

¹³² “Na u tla e amohela holima motheo oo, hore ha u na tokelo, empa ke Eèna Ea nang le tokelo. U se ke ua icheba; sheba Eèna, hoba uena u ke ke ua ithusa ka letho. Sheba Ea u etselitseng ho hong. U re’ng ka Eèna?”

“Oh,” a re, “O na le tokelo.”

Ka re, “Ke eona, joale amohela seo A u neang sona.”

A re, “Ke etsa joalo.”

¹³³ ’Me eaba ke mo kolobetsa ka Lebitso la Jesu Kreste. Eaba o a tsoa ’me a hotetsa sakrete.

¹³⁴ Ke sa tsoa etela motse oa habo liveke tse ’maloa tse fetileng. Eaba ke bona pono bosiu bo bong, ea sefate se khethukloang sa moremotala, se hlanamisitsoe. Ka bona liboto li ottelestsoe ho sona. Haufi le boto ea ho qetela e le boto e ikhethileng. ’Me hantle tlasa boto eo, hantle ho ella qetellong, ha tsoa ntho e hlahang *tjena*, eaba sefate se robeha hona mono. Eaba Puo e re, “E tlamehile e be e le uena,” kapa, “E ka be e le uena.” Eaba Papa Cox o a oa, a robeha mokokotlo kahare ka *mona*. ’Me eare hoseng ho hlahlamang ha ba mo tlisetsa lisakrete tsa hae a sa robetse liphateng, keha a se na takatso ea tsona. Liveke tse ngata tse fetileng! Ha a eso latsoe se seng, ebile ha a se batle kapa le letho. Lea bona? ’Me ke ’mone nakoana e fetileng, matsoho a hae a le masootho hohle, liveke tse ’maloa tse fetileng, ka baka la lisakrete, ’me joale ha a sa khona le ho mamella se seng haufi le eèna. Bea lintho tsa pele pele! U se ke ua leka ho loka; u mobe, le ho qaleng, ’me ha ho letho leo u ka le etsang. Moeli o arolang o teng, ’me moloko ohle oa batho o ka mose oane.

¹³⁵ Joale, mohla ke ne ke tsoaloa lefatšeng lena, e ne e le ka lenyalo le halalelang, lipakeng tsa ntate le ’me; lehe le ka hara popelo ea hae, kahara lipulana tsa ntate ke sele ea mali. Bophelo ba ka bo bopiloe ke sele eo ea mali (ha se ba lehe la ’mè), ke ba sele ea mali a ntate. ’Me eitse ha sele eo ea mali e kena malulong a eona a nèpahetseng ho kopana le lehe, hoba e etse joalo, eaba tlhaho e laeloa ke Molimo ho mpfa ’mele. ’Me eaba ke tsoalloa lelokong la batho, ka fuoa monyetla oa ho—ho ba motho ea hlalefileng joaloka batho, ’me ka khona ho khanna koloi, kapa ke khona ho etsa lintho tse etsoang ke batho, ho tsamaea, ho bua, ho khanna koloi, le lintho tse joalo. Ka fuoa hoo, kaha ke tsoaletsoe lelokong la batho, ’me ka fuoa matla a bohlale ho ba motho.

¹³⁶ Joale, mohla ke ne ke tsoaloa lelapeng la Molimo, ke tlide ka Mali, ke Mali a mphileng Bophelo. 'Me ka mora hoba ke phelisoe ka ho Kreste, O ile a nklobetsa ka Moea o Halalelang le ka matla, ho behoa mora oa Molimo. Joale, joalokaha ke khona ho tsamaea, ho bua joaloka motho, ho qhoba koloi ea ka joaloka motho. Joale ha ke amohela Moea o Halalelang, ke fuoa matla a ho leleka batemona, ho bua ka lipuo tse ncha, ho rera Evangelii, ho folisa bakuli. Ke kolobelitsoe! Ha kea tsoaloa; empa ho kolobetsoa!

Ba ne ba bokane phaposing e kaholimo,
 Bohle ba rapela Bitsong la Hae,
 Ba kolobetsoa ka Moea o Halalelang,
 Eaba ho fihla matla a tšebetso.

¹³⁷ Amen. U lumela ho Bophelo Bosafeleng, 'me u tsoaloa bocha ka tumelo ea hao. Jesu o buile, ho Johanne 5:24, "Ea utloang Mantsoe a Ka 'me a lumela ho Ea Nthomileng, o na le bophelo ba kamehla," ha se Moea o Halalelang, ke bophelo ba kamehla feela. O tsoaletsoe lelapeng la Molimo. 'Me u ntano kolobeletsoa ka ho Moea o Halalelang, 'me u fuoa matla a bohlale ba tumelo, ho lumela Evangelii le ho E sebelisa le ho E nkisa khato e nèpahetseng. Amen. Ebe moo a itšoarang joaloka mora Molimo. Ebe moo a khonang ho leleka batemona. Jesu o itse, "Mehlolo ena e tla tsamaea le bona!" Lea bona? "Ka Lebitso la Ka ba tla leleka batemona, ba tla bua lipuo tse ncha, ha ba tšoara linoha, kapa ba enoa lintho tse bolaeang." Lea bona, o fuoa matla a ho etsa lintho tsena, ka Moea o Halalelang.

¹³⁸ Joale, mohla A ne a tsamaea, O itse, "Eka khona Ke tsamaee. Hobane, ekare ha Ke sa tsamaee, Moea o Halalelang a ke ke a tla." Lea bona? Mohla A fihlang, O tla ahlolalefatše ka sebe, a rute ho loka, a le bontše lintho tse tlangu ho tla (tsona ke lipono). "U tla nka lintho tseo Ke le rutileng tsona, 'me a le senolele tsona." Oona Mantsoe ao A ttileng... Ha ho motho ea ka utloisisang Lentsoe kantle ho kolobetso ea Moea o Halalelang. 'Me motho ea itlalehang a fumana kolobetso ea Moea o Halalelang, 'me a ngagisana le Lentsoe a re ha lea loka, phoso e teng.

¹³⁹ Pauluse e ne e le moseholli oa Testamente e Ncha. Che ha ho joalo, Testamente e Ncha e ne e eso ngoloe. Pauluse e ne e le moseholli oa Bokreste, Saule. 'Me eitseha a amohela Moea o Halalelang, a tloha a ea Asia 'me a ithuta Mangolo, kaha a kile a rutoa ke Gamaliele, moruti e moholo. Mohla a khutlang, lilemo tse leshome le metso e mene hamorao, a tloha ho ea kopana le Petrose Jerusalema, 'me a ba fumana ba emetse Evangelii e tšoanang Lentsoe ka Lentsoe. Oona Molimo o laetseng Petrose ho rera ka letsatsi la Pentekosta a ba laela ho baka le ho kolobetsoa ka Lebitso la Jesu Kreste, oona Moea

o Halalelang o senoletse Pauluse, 'me o ba laetse ho Liketso 19 ka mora hoba ba kolobetsoe ke Johanne, ho itsoe, "Le tlameha ho kolobetsoa bocha, ka Lebitso la Jesu Kreste." Lea bona?

¹⁴⁰ Lea bona, Moea o Halalelang o tsepama le Mangolo ka botlalo. Tumelo kahara ntho Eo e notlolla sephiri sefe le sefe. Amen. Bibebe e boletse, ho Johanne oa Pele 5:7, "Ho le ba bararō ba pakang, Leholidmōng: Ntate, Lentsoe (lona e ne e le Kreste), le Moea o Halalelang. Tse tharō tsena ke ntho e le 'ngoe." "'Me ho le tse tharō tse pakang lefatšeng: metsi, Mali, Moea. Tse tharō tsena hase ntho e le 'ngoe, empa lia lumellana." Joale, u ke ke ua fumana Ntate u se na Mora, u ke ke ua fumana Mora u se na Moea o Halalelang; ke ntho e le 'ngoe. Empa u ka lokafatsoa u sa halaletsoa, 'me u ka halaletsoa u se na Moea o Halalelang. Khaleletso e tlie ka Mali, Bophelo bo tlisoa ke Mali. Lea bona? 'Me Moea o Halalelang ke matla a Molimo, lea bona, matla a filoeng kereke.

¹⁴¹ "Le tla fuoa" (eng?) "matla," Liketso 1:8, "hoba Moea o Halalelang o tle ho lōna. Le tla fuoa matla!" (ha ho thoë "le tla tsoaloa labobeli.") "Le tla fuoa matla hoba Moea o Halalelang o tle ho lōna. Ke hona mohla le fetohang lipaki tsa Ka Jerusalema, Judea, le Samaria, ho isa lipheletsong tsa lefatše." Lea bona? U fuoa matla ka mora hoba u amohele Moea o Halalelang. Empa pele u tlameha ho amohele Moea o Halalelang, 'me ao ke matla a Molimo, lea bona, a ho bonahatsa le ho netefatsa. Lea—lea...ka moo le uena u kileng ua ba motho, 'me ua ithuta ho bua le ho tsamaea le ho etsa lintho tse etsoang ke motho; ha u kolobetsoa ka Moea o Halalelang, u fuoa matla a ho itšoara joaloka bara le barali ba Molimo. Ha ho makatse ha batho ba itšoara 'me ba etsa tseo ba li etsang kajeno, ha ba eso tlatsoe ka Moea o Halalelang. Hola ba ka etsa, ba ne ba tla itšoara ka ho fapanā. Ba itlaleha joalo, empa Jesu o itse, "Le tla ba tseba ka litholoana tsa bona." Ebe u ka e etsa joang, lea bona, ntho eohle e futahane. Lea bona? Empa le mpe le khutle lintlheng tsa sebele!

¹⁴² Joale, ha u tsamaea ka toka 'me u ipitsa Mokreste, bosiung bona re u memela tafole ea Morena. Kajeno, ntle le pelaelo, selallo se jeloe naha ka bopphara, ba bang ka mokhoa ona le ba bang ka mokhoa o mong. Empa ke nahana mokhoa o tšoanetseng ke ho latela Mangolo, kamoo ba se sebelitseng kahara Mangolo. Kea kholoa e tla ba ho lekane.

¹⁴³ Na u tšoere Bibebe ea hao, Moena Neville? Moena Neville o tla bala joale Mangolo. [Moena Neville o re, "Khaolong ea 11 ea Bakorinthe ba Pele, ho qala ka temana ea 23," ebe o bala Mangolo a latelang:

Hobane 'na ke amohetse ho Morena seo ke le neileng sona, Ke hoba Morena Jesu ka bosiu boo a ekiloeng ka bona o ne a nke bohobe:

'Me hobane a lebohe, a bo ngoatha, a re, Nkang, le je; hona ke 'mele oa ka, o robeloang lōna: le etse hoo le tle le nkhopole ka hona.

Ka mokhoa o joalo a nka senoelo, hobane ho lalloe, a re, Senoelo sena ke selekane se secha maling a ka: etsang hoo, kamehla eohle ha le enoa, le tle le nkhopole ka hona.

Efēla kamehla eohle ha le ejā bohobe boo, 'me le noela senoelong seo, etlaba le bolela lefu la Morena a tle a be a fihle.

Ka baka leo mang le mang ea jang bohobe boo, kapa a noela senoelong sa Morena, ka mokhoa o sa tšoanelhang, o tla ba le molato oa 'mele le oa mali a Morena.

Motho a ke a itekole ke hona, 'me joale e be hona a jang bohobe bona, a noelang senoelong sena.

Hobane ea jang le ea noang ka mokhoa o sa tšoanelang, o itjella o inoella tsuo, hobane a sa lemohe 'mele oa Morena.

Ke ka baka leo ho nang le ba bangata ba fokolang le ba kulang hara lōna, 'me ba bangata ba se ba bile ba shoele.

Hobane hoja rea ikahlola, ke moo re ka beng re sa ahloloe.

Empa ha re ahloloa, re lauoa ke Morena, re tle re se ke ra tsuoa le lefatše.

Moena Neville o re, “Morena a hlohonolofatse palo ea Lentsoe la Hae.”—Mong.]

¹⁴⁴ Kamehla ena ke ntho e halalelang haholo, ke ntho e khethehileng haholo, kea kholoa re tlameha ho inamisa lihlooho tsa rōna joale ka khutso thapelang. Le nthapelle, le 'na ke tla le rapella. Ha re rapellaneng, hore Molimo a tle a re hauhele rōna libopuaa tse se nang tokelo tse mothating oa ho nka kabelo sakremeng e khethehileng ena ea sehopotso sa lefu la Morena oa rōna.

¹⁴⁵ [Moena Branham o khutsa thapelang. Sekheo leabanteng—Mong.] Re U hlahisetsa thapelo ena ea maipolelo, Ntate oa rōna, holima aletare ena ea Hao ea gauta, le Sehlabelo sa rōna, Morena Jesu. Re e kopa ka Lebitso la Hae. Amen.

¹⁴⁶ Joale kea kholoa baholo ba tla ema libakeng tsa bona, 'me ba tla...ba kereke, 'me ba tla laola batho ha ba nyoloha, mola ka mola, bakeng sa selallo. Kamehla ke hopola sefela seo:

Konyana e mosa e shoang, Mali a Hao a
boholokoa
A ke ke a lahla matla a Oona,
Ho fihlela Kereke e rekiloeng ea Molimo
E bolokoa ho se etse sebe.

A re inamiseng lihlooho tsa rōna.

¹⁴⁷ Ntate ea Halalelang ea mohau, Jehova, uena moholo ea Matlaohle, romella batho ba Hao mahlohonolo a Hao re sa lebeletse. Tšoarela libe tsa rōna. 'Me joale re U hlahisetsa sakramente sena, veine ena, morara o lenngoeng, 'me o pshatliloe ke matsoho a bareri. 'Me oa fetoloa veine morero e le ho U hlahisetsa oona joale, ho rōna o tle o tšoantše Mali a Morena oa rōna Jesu Kreste. Kea U rapela, Ntate, halaletsa veine morerong oo. Re tšoarele sebe sefe le sefe. 'Me motho mang le mang ea noang veine 'meleng oa hae, ba ke ba natlafale 'meleng, matla, le pholoso e tšoang ho Uena. Aba sena, Morena. Re se kopa ka Lebitso la Jesu. Amen.

¹⁴⁸ Bibele eitse hobane A ngoathe bohobe a bo hlohonolofatsa, a re, "Nkang le je, hona ke 'Mele oa Ka o robeloang lōna. Etsang hona le Nkhopole ka hona." 'Me ha re ja liphasel tsena tsa bohobe, tsa kosher, bo sa lomosoang. Bo entsoe ke Bakreste. Bo entsoe ka hobane bo—bo tšoantše 'Mele oa Kreste. Re utloisia hoba—hoba ke barutuo ba letsatsi la Kreste, kapa ba letsatsi leo la kereke, ba nkileng likaroloana tsena 'me ba li lokisetza selallo mono selallong sa ho qetela, selallong sa Kreste sa ho qetela. 'Me ho theoha le Bibele, barutuo ke bona ba fileng batho ka lintho tsena. 'Me kajeno, barutuo ba rōna ba letsatsi la joale, baena ba rōna ba kereke mona, barutuo ba Tsela ena, ba sebeletsa batho. 'Me ba tla nka likaroloana tsena ba li abele batho.

¹⁴⁹ 'Me joale ha u amohela bohobe bona, u hopole, hore bo tšoantše Konyana. Lilemo tse ngata tse fetileng mohla konyana ea Iseraele e ne e besoa ka mollo, 'me e jeoa ka litlama tse babang, batho ba ne ba le matla; lietsa tsa bona ha lia ka tsa tsofala, liaparo tsa bona ha lia ka tsa foforeha, leetong lohle la bona ho fihlela ba fihla lefatšeng la pallo. Molimo a re thuse ho koena, ho thaba, ho Mo sebeletsa re be re fihle Lefatšeng la Pallo leo A re fileng lona.

A re rapeleng.

¹⁵⁰ Ntata rōna ea mosa oa Leholumō, ke sa bua bosius bona ka 'Mele o Halalelang oo, o halalelitsoeng oa Morena oa rōna, botlalo bohole ba Bomolimo bo ne bo ahile ka ho Oona. Ha ke nahana ka 'Mele oo o phetšetsoeng 'me—"me oa robjoa, 'me Mali a fopha, mokokotlo oa Hae le likhopo tsa Hae li le lepalapaleng, liphali li theoha li qopetsa mokokotlo oa Hae; ha ke nahana ka bohobe bona bo sosobaneng, bo tetekiloeng bo lekanyang hoo, e boela e khutlela lipelōng tsa rōna ka bocha. Re robatsa lipelō tsa rōna, Morena, holima aletare ea Hao bosius bona. Re tšoarele, oho Molimo. 'Me bohobe bo robiloeng bona, ha bo kena molomong oa bana, bahlanka ba Hao, ba lemohe hoba ke 'Mele oa Hao khabane o tetekiloeng

le o hlabiloeng, 'me re folisoa ka maqeba. Aba sena, Morena. Halaletsa bohobe bona ba kosher morerong oa bona. Re e kopa ka Lebitso la Jesu. Amen.

Beang butle motsotso.

¹⁵¹ Hase selallo se seetsoeng moeli. Mokreste e mong le e mong o amohetsoe tafoleng ea Morena, ho kena le ho kopana le rōna bolekaneng bona.



SENOTLOLO SA MONYAKO SST62-1007
(The Key To The Door)

Molaetsa wona, ka Moena William Marrion Branham, o rerilwe sethatong ka Senyesemane Sontaha mantsiboea, Mphalane 7, 1962, mane Tabernakel ea Branham, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org